

O'ZBEKISTON DAVLAT JAHON TILLARI UNIVERSITETI
ROMAN-GERMAN FILOLOGIYASI FAKULTETI
ISPAN TILI AMALIY VA NAZARIY FANLAR KAFEDRALARI



**“KO'P TILLILIK VA MADANIYATLARARO MULOQOT: TAJRIBA
VA MUAMMOLAR”**

**“MULTILINGÜISMO Y COMUNICACIÓN INTERCULTURAL:
EXPERIENCIA Y PROBLEMAS”**

**«МУЛЬТИЛИНГВИЗМ И МЕЖКУЛЬТУРНАЯ
КОММУНИКАЦИЯ: ОПЫТ И ПРОБЛЕМЫ»**

**Xalqaro ilmiy-amaliy anjuman materiallari
2023-yil 23-oktabr**

**Ташкент
2023**

**O‘ZBEKISTON DAVLAT JAHON TILLARI UNIVERSITETI
ROMAN-GERMAN FILOLOGIYASI FAKULTETI
ISPAN TILI AMALIY VA NAZARIY FANLAR KAFEDRALARI**

**“KO‘P TILLILIK VA MADANIYATLARARO MULOQOT: TAJRIBA VA
MUAMMOLAR”**

**“MULTILINGÜISMO Y COMUNICACIÓN INTERCULTURAL:
EXPERIENCIA Y PROBLEMAS”**

**«МУЛЬТИЛИНГВИЗМ И МЕЖКУЛЬТУРНАЯ КОММУНИКАЦИЯ:
ОПЫТ И ПРОБЛЕМЫ»**

**Xalqaro ilmiy-amaliy anjuman materiallari
2023-yil 23-oktabr**

TOSHKENT – 2023

Ushbu ilmiy-amaliy anjuman to'plami Ispan tili amaliy va nazariy fanlar kafedralari tomonidan 2023-yil 23-oktabrda "Ko'p tillilik va madaniyatlararo muloqot: tajriba va muammolar" mavzusida o'tkazilgan xalqaro ilmiy-amaliy anjuman materiallari asosida tayyorlangan. Unda professor-o'qituvchilar, tadqiqotchi va talabalar, shuningdek xorijlik mutaxassislarining ko'p tillilik va madaniyatlararo muloqotning dolzarb masalalariga bag'ishlangan ilmiy tadqiqot ishlari natijalari aks etgan maqola va tezislari jamlangan.

Mas'ul muharrirlar:

Jamoliddin YOQUBOV – O'zbekiston davlat jahon tillari universiteti professori,
filologiya fanlari doktori

Dilrabo BAXRONOVA – O'zbekiston davlat jahon tillari universiteti professori,
DSc

Aziza SHAMAXMUDOVA – Samarqand davlat chet tillar instituti professori,
DSc

Adilbek XALILLAYEV – O'zbekiston davlat jahon tillari universiteti Roman-german filologiyasi fakulteti dekani, PhD

Tahrir hayati:

I.Turamuratova – O'zDJTU Ispan tili nazariy fanlar kafedrasini mudiri, PhD,
dotsent

R. Turdiqulova – O'zDJTU Ispan tili amaliy fanlar kafedrasini katta o'qituvchisi

Z. Achilova – O'zDJTU Ispan tili nazariy fanlar kafedrasini katta o'qituvchisi

N. Sabirova – O'zDJTU Ispan tili amaliy fanlar kafedrasini o'qituvchisi

S.Anarboyeva – O'zDJTU Ispan tili amaliy fanlar kafedrasini o'qituvchisi

Ushbu ilmiy-amaliy anjuman O'zbekiston Respublikasi Vazirlar Mahkamasining 2023-yil 27-apreldagi 39-son bayoni va O'zbekiston respublikasi oliy ta'lim, fan va innovatsiyalar vazirining 2023-yil 2-maydagi 118-son buyrug'i ijrosini ta'minlash maqsadida tashkillashtirilgan.

синтаксический уровень) связано с особыми сложностями в усвоении норм русского языка и требует особого внимания при составлении программ дисциплины «Русский язык».

Литература:

1. Русская грамматика Т. I. – М.: Наука, 1980. – С. 138 -139.
2. Улуханов И. С. Единицы словообразовательной системы русского языка и их лексическая реализация. – М.: РАН, 1999. – 222 с.
3. Азизов А. А. Сопоставительная морфология русского и узбекского языков. – Ташкент: Укитувчи, 1983. – С. 66.
4. Абдуллаева С. Х. Концепция учебного комплекса по русскому языку для студента неязыковых вузов //Молодой ученый. – 2016. – №. 1. – С. 670-672.
5. Абаева Н. Ч., Меденцева Н. П. Этапы работы при совершенствовании устной подготовленной речи студентов технических вузов //Новости образования: исследование в XXI веке. – 2023. – Т. 1. – №. 11. – С. 251-254.

MADANIYATLARNING O‘ZARO TA‘SIRI. ENKULTURATSIYA VA AKKULTURATSIYA JARAYONLARI

Isayeva Shoira Boltabayevna, *filologiya fanlari nomzodi, Toshkent davlat o‘zbek tili va adabiyoti universiteti O‘zga tilli guruhlarda o‘zbek tili ta‘limi kafedrasi dotsenti*

Shirinova Yekaterina Turakulovna, *filologiya fanlari bo‘yicha falsafa doktori (PhD), Toshkent davlat o‘zbek tili va adabiyoti universiteti O‘zga tilli guruhlarda o‘zbek tili ta‘limi kafedrasi katta o‘qituvchisi*

Annotatsiya. Mazkur maqolada madaniyat tushunchasining izohi keltiriladi, madaniyatlarning o‘zaro ta‘siri, enkulturatsiya va akkulturratsiya jaroyonlari yoritiladi. Mazkur jarayonlarning asosiy farqlari, madaniyatlarning o‘zaro ta‘siri natijasida madaniyatlarda qanday o‘zgarishlar sodir bo‘lishi xususida ma‘lumot beriladi.

Kalit soʻzlar: madaniyat, enkulturatsiya, akkulturatsiya, assimilyatsiya, separatizatsiya, marginalizatsiya, integratsiya, akseptatsiya, yangi madaniyatning shakllanishi, reaksiya....

Abstract. This article explains the concept of culture, the interaction of cultures, the processes of enculturation and acculturation. Information is given on the main differences of these processes, the changes that occur in cultures as a result of the interaction of cultures.

Key words: culture, enculturation, acculturation, assimilation, separation, marginalization, integration, acceptance, formation of a new culture, reaction.

Madaniyat – insoniyat libosi, muayyan shaxs yoki jamiyatning yashash tarzi, axloq meʼyorlari, dunyoqarashi, urf-odatlari, anʼanalari, olamni anglash darchasi va oʻzligini ifodalash yoʻsini. Madaniyat *alohida individning* hayot faoliyati (shahsiy madaniyat)ni hamda *ijtimoiy guruhning yoki jamiyatning* hayot faoliyati usulini aks ettiradi. Dastlab madaniyat tushunchasi insonning tabiatga ehtiyojlari, maqsadiga muvofiq taʼsiri (yerni ishlash va hakozolar) hamda insonning oʻzini tarbiyalash va oʻqitish maʼnolarini ifodalagan. Keyinchalik madaniyat tushunchasi orqali taraqqiyot bilan bogʻliq mazmun tushunila boshlangan.

“Madaniyat” («cultio» va «culte») atamasi mutaxassislar fikriga koʻra, lotinchadan oʻgirilganda “ishlov berish”, “parvarish qilish” degan maʼnolarni ifodalaydi. Keyinchalik “maʼrifatli boʻlish”, “tarbiyalilik”, “bilimli boʻlish” maʼnolarida ham qoʻllana boshlagan.

Gʻarbiy Yevropada madaniyat tushunchasi XVIII asrning oxiridan eʼtiboran hozirgi mazmuni kasb etgan boʻlsa-da, faqat XX asrga kelib ijtimoiy va gumanitar fanlar kategorial tizimidan mustahkam oʻrin olgan.

Madaniyat mohiyatiga koʻra moddiy va maʼnaviy madaniyatlarga boʻlinadi. Kishilik tarixining uzoq davrlarida yaratilgan moddiy va maʼnaviy boyliklarni yaratish jarayoni quyidan yuqoriga, oddiylikdan murakkablikka, alohidadan umumiylikka tomon siljiydigan oʻziga xos uzluksiz jarayon hisoblanadi.

Madaniyat – bu me`yorlar majmuasi, ya`ni nima ruxsat berilgani va nima taqiqlanganligi. Bu me`yorlar muayyan jamiyat tomonidan taqsimlanadi, ular insonlar tomonidan o`zlashtiriladi, inson esa uning bir qismiga aylanadi.

Inson tomonidan madaniyatning o`zlashtirilishi enkulturatsiya yoki inkulturatsiya (madaniyatga kirish) deyiladi.

Madaniyat ontogenez (individual rivojlanish) jarayonida o`zlashtiriladi.

Enkulturatsiya terminining muallifi Melvil Jin Xerskovits mazkur jarayonning ikkita bosqichini ajratgan:

Birinchi bosqich (tug`ilgan kundan boshlanadi) – axloq qoidalari, me`yorlarini o`zlashtirish bosqichidir. Ushbu bosqichda, shaxs tanlash va baholash huquqidan mahrum bo`ladi, madaniyatga kirishga “qarshilik” qila olmaydi, unda o`sadi, rivojlanadi va o`zidan oldingi etnik-madaniy tajribani faqat o`zlashtiradi.

Ikkinchi bosqich – bu jamiyatda qabul qilingan me`yorlarni baholash, muhokama qilish mumkin bo`lgan ongli bosqichdir. Ushbu bosqichda bu me`yorlarni o`zgartirish hamda madaniyatning yadrosiga ta`sir qilmaydigan subkulturalar paydo bo`lishi mumkin³⁰.

Insonni yoki guruhni yangi madaniyatga moslashtirish – akkulturatsiya jarayonidir. Avvalo, akkulturatsiya va enkulturatsiya (inkulturatsiya) tushunchalarini bir- bordan farqlash kerak.

Enkulturatsiya	Akkulturatsiya
<ul style="list-style-type: none"> • birlamchi madaniy me`yorlarga ega bo`lish 	<ul style="list-style-type: none"> • madaniy me`yorlarni o`zgartirishning ikkilamchi jarayoni
<ul style="list-style-type: none"> • barcha insonlar hayot davomida boshdan kechiradi 	<ul style="list-style-type: none"> • ayrim insonlarga ushbu jarayonga duch keladi

³⁰ Гузикова М. О. Основы теории межкультурной коммуникации : [учеб. пособие] / М. О. Гузикова, П. Ю. Фофанова; М-во образования и науки Рос. Федерации, Урал. федер. ун-т. — Екатеринбург : Изд-во Урал.ун-та, 2015. — 124 с.

Akkulturatsiya jarayonida inson o‘zining ikki madaniy o‘ziga xosligini saqlab qolish va unga yangi madaniyatda yashash zarurligiga duch keladi. Shunga ko‘ra, insonlar akkulturatsiya jarayonida duch keladigan to‘rtta madaniyat strategiyasi mavjud:

Assimilyatsiya	inson o‘zining madaniyatidan voz kechib, u bilan aloqalarini uzib, butunlay yangi madaniyatga qo‘shilib ketadi.
Separatsiya	boshqa madaniyat me‘yorlarini qabul qilishdan voz kechib o‘z madaniyati bilan identifikatsiyani saqlash. Bunday holatda ozchilikni tashkil qiluvchi madaniy jamoa dominant madaniyat bilan aloqa qilmaslikka, (mumkin qadar) o‘zlari jamoa tuzib alohida yashashga harakat qiladilar.
Marginalizatsiya	birlamchi madaniyat o‘ziga xoslikni yo‘qotish va yangi madaniyat bilan identifikatsiyalashning yo‘qligidir (oraliqda qolib ketish).
Integratsiya	akkulturatsiya jarayonining eng samaralisidir. Bu asosiy madaniyatini yo‘qotmasdan yangi madaniyatga kirishni o‘z ichiga oladi.

Assimilyatsiya strategiyasi ko‘pincha o‘z ixtiyori bilan boshqa mamlakatga (mintaqaga) uzoq vaqt yoki abadiy ko‘chib ketadigan odamlar hayotida kuzatiladi.

Separatsiya strategiyasi o‘z Vatanini xohishlariga zid ravishda tark etishga majbur bo‘lgan qochqinlarga xosdir. Agar bunday izolyatsiyaga dominant madaniyat vakillari da‘vat etsa, bu segregatsiya deyiladi.

Marginalizatsiya insonning asl madaniy guruhini saqlab qololmasligi va yangi madaniyatga qo‘shilolmasligidan kelib chiqadi. Marginalizatsiya odatda mezbon madaniyat tomonidan kamsitilishning natijasi ham bo‘lishi mumkin.

Integratsiya ikki tomon (retsipient – oluvchi va donor – beruvchi madaniyatlar)ning o‘zaro hurmati va har bir madaniyatning noyob xususiyatlarini saqlab qolish zarurligini tushinish va hamkorlik qilish istaklari orqali yuzaga keladi.

Akkulturatsiya ikki yoki undan ortiq madaniyatning bir-biriga ta`sir o‘tkazishidir. Madaniyatlar o‘zaro ta’sirining shakllari va tamoyillari farqlanadi. Tarixan o‘zaro ta’sirning do‘stona, ixtiyoriy (bunday holatlarda o‘zaro aloqa teng hamkorlikka asoslanadi) hamda zo‘rlash, mustamlakaga aylantirish, harbiy yo‘l bilan bosib olishga (bunday holatlarda o‘zaro aloqa bir tomonlama manfaatga asoslanadi) asoslangan shakllari ma’lum³¹.

Yuqorida insonlar yangi madaniyatga kirishayotganda qanday strategiyalarni tanlashi mumkinligi haqida ma’lumot berilgan edi. Mazkur strategiyalar natijasida madaniyatlarda quyidagi jarayonlar ro‘y berishi mumkin: akseptatsiya (bir madaniyat tomonidan boshqa bir madaniyatning yutib yuborilishi); yangi madaniyatlarning shakllanishi (bir nechta madaniyat kesishgan nuqtada yangi bir madaniyat shakllanishi mumkin); reaksiya (begona madaniyatning inkor etilishi); o‘zlashtirish (begona madaniyat elementlarining o‘zlashtirilishi), adaptatsiya (madaniyatlarning bir-biriga moslashishi)³².

Xulosa qilib aytganda, madaniyatlarning o‘zaro ta’siri dunyoning madaniy xaritasida o‘zgarishlarni yuzaga keltiradi, insoniyat hayotini yana-da rang-barang qiladi.

Foydalanilgan adabiyotlar:

1. Гузикова, М. О. 2015. Основы теории межкультурной коммуникации: [учеб. пособие]. – Екатеринбург: Изд-во Урал.ун-та, – 124 с.
2. Usmonova, Sh., Rixsiyeva, G. 2017. Madaniyatlararo muloqot. O‘quv qo‘llanma. – Toshkent. – 135 b.
3. Shirinova, Y.T. 2022. *Madaniyatlararo kommunikatsiya xususida* // INTERNATIONAL CONFERENCE DEDICATED TO THE ROLE AND

³¹ Usmonova, Sh., Rixsiyeva, G. 2017. Madaniyatlararo muloqot. O‘quv qo‘llanma. Toshkent. – 135 b.

³² [Соотношение понятий «культура» и «цивилизация» по Шпенглеру \(infopedia.su\)](http://infopedia.su)

IMPORTANCE OF INNOVATIVE EDUCATION IN THE 21ST CENTURY.
September. [\(5\) \(PDF\) МЕЖДУНАРОДНАЯ КОНФЕРЕНЦИЯ, ПОСВЯЩЕННАЯ РОЛИ И ЗНАЧЕНИЮ ИННОВАЦИОННОГО ОБРАЗОВАНИЯ В XXI ВЕКЕ \(researchgate.net\)](#)

4. Широнова, Е. Т. 2023. «Некоторые соображения о коммуникации». Узбекистан: язык и культура. Вопросы прикладной филологии. 1(5): 84-91. DOI: 10.52773/tsuull.uzlc.aphil.2023.1.5/EFEZ1339.

5. Isayeva, S. (2023). THE CHALLENGES ASSOCIATED WITH IMPLEMENTING A NOVEL PSYCHOLOGICAL APPROACH IN THE FIELD OF UZBEK LITERATURE. Наука и инновация, 1(13), 112–118. извлечено от <https://in-academy.uz/index.php/si/article/view/17131>

6. Isayeva, S. (2023). Adabiyot darslarida ruhiyat masalasiga yangicha yondashuv// «Til va adabiyot ta’limi» – «Преподавание языка и литературы» – «Language and literature teaching» ilmiy-metodik jurnali. 6-son, B.28. [6-son. 2023-yil \(tilvaadabiyot.uz\)](#)

7. Искандарова, Г. Т. 2022. «Роль языковой среды в формировании лингвокультурологических элементов в детской речи». Узбекистан: язык и культура. Вопросы прикладной филологии. 2 (5): 26-34.

BO‘LAJAK ARAB TILI O‘QITUVCHISINING PEDAGOGIK KOMPETENSIYASINI RIVOJLANTIRISHDAGI YONDASHUVLAR

Kadirova Madinabonu Turgunovna, O'zbekiston xalqaro islom akademiyasi

“Arab tili va adabiyoti al-Azhar” kafedrasida katta o'qituvchisi

kamadina2544@gmail.com

Ma'lumki, bo'lajak arab tili o'qituvchisining pedagogik kompetensiyasini rivojlantirishda turli yondashuvlar mavjud bo'lib, ulardan asosiysi tizimli, shaxs faoliyatiga yo'naltirilgan, kompetensiyaviy, faoliyat yondashuvlaridir.